

六字神呪王經

開元拾遺失譯人名附梁錄

如是我聞一時佛在舍衛國祇陀林中爾時
有一外道旃陀羅女專行衆惡符書厭禱或
事山神樹神樹下鬼神日月五星南斗北辰
一切魍魎雜魔邪魅厭惑尊者阿難陀及諸
善人如是等恒河沙數即時如來因見阿難
陀恍惚及憐愍一切三世有情故爲說此六
字神呪王經先佛所說我今亦說即說呪曰
安陀隸 鉢陀隸 迦羅胝翅由隸 帝闍
婆帝 頻頭婆帝 陀頭隸 陀究帝隸
陀究摩帝 脩摩帝 安陀羅槃陀羅 檀
陀羅提梵羅 陀那延陀 曼陀婆帝 阿
那阿那夜 摩豆摩婆帝 迦羅吒翅由羅
浮澄伽彌 帝闍婆帝 頻頭摩帝 阿羅

婆伽帝 毗咤毗提膩 質吒毗提膩 質

吒毗提膩 莎婆呵

若有爲某甲作惡呪詛若作已若當作若天
若魔若龍若藥叉若羅刹若餓鬼若鳩槃荼
若富單那若毗舍闍若阿波摩羅若優波摩
羅若吉遮若佉偈陀若毗陀羅若半毗陀羅
若沙門若婆羅門若刹利若毗舍若首陀若
摩瞪伽若摩瞪伽女若旃陀羅若旃陀羅女
若奴若婢若男若女若外道尼乾陀若外道
出家男女如是等種種若能呪詛厭蠱我今
以此六字神呪王經若天上作天上滅之若
天下作天下滅之若上向作上向滅之若下
向作下向滅之若壁上作壁上滅之若著壁
作著壁滅之若雲漢中作雲漢中滅之若虛
空中作虛空中滅之若地上作地上滅之若

地下作地下滅之若八表外作八表外滅之

能十

十五

若六合內作六合內滅之若隨風飄中作隨風飄中滅之若四海大水中邊作四海大水中邊滅之若江河淮濟中邊作江河淮濟中邊滅之若陂塘中邊作陂塘中邊滅之若雜

水中邊作雜水中邊滅之若山川溪谷堆阜坑中邊作山川溪谷堆阜坑中邊滅之若五嶽中邊作五嶽中邊滅之若大澤林藪中邊作大澤林藪中邊滅之若大樹小草中邊作大樹小草中邊滅之若草木根莖中邊作草木根莖中邊滅之若大小道徑中邊作大小道徑中邊滅之若大小四交道中邊作大小四交道中邊滅之若城堡坊村外門中邊作城堡坊村外門中邊滅之若城堡坊村內作城堡坊村內滅之若宮外內門邊作宮外內

門邊滅之若宮門中作宮門中滅之若於塚墓中邊作塚墓中邊滅之若家舍宅垣牆中邊作悉皆滅之若屋宕作屋宕滅之若柱邊作柱邊滅之若柱礎邊下作柱礎邊下滅之若糞土中邊作糞土中邊滅之若井竈碓磨中邊作井竈碓磨中邊滅之若火爐中邊作火爐中邊滅之若厠溷中邊作厠溷中邊滅之若車乘具中邊作車乘具中邊滅之若鞍馬服飾中邊作鞍馬服飾中邊滅之若牀鋪衣被氈褥靴帽雜器中邊滅之若於一切飲食中邊作一切飲食中邊滅之若側近人作者及於一切處行住坐卧如是皆悉滅之若晝作晝滅之若夜作夜滅之若晝夜常作晝夜滅之此咒能斷絕帝釋咒道能斷絕梵天咒道能斷

能十

十六

絕四天王呪道及與一切所有邪鬼呪道方
術悉皆能斷若有爲某甲作惡厭蠱呪詛及
與毒藥悉皆滅之若佉伽陀若毗陀羅若吉
遮若富單那所爲悉皆滅之衆惡都盡衆善
補處願此呪常吉以此真實章句使某甲晝
安夜安晝夜常安得壽百歲得見百秋何以
故世間最上無過於佛天尊所尚衆神奉仰
若有行惡呪道若作已若當作若中間作若
成就若未成就悉皆滅之及與一切衆毒能
害人者此六字神呪王經所在之處若讀若
誦受持憶念者所有惡業重障皆消滅之即
說呪曰

佉伽佉伽毗伽 緘壽 緘壽 多伽
婆伽 莎婆訶

若有爲某甲作惡呪詛若作已若當作若天

若龍若藥叉若羅刹及與一切能作惡呪詛

者悉皆滅之若佉伽陀若毗陀羅若富單那

所爲悉皆滅之衆惡都盡衆善補處願此呪

常吉以此真實章句使某甲晝安夜安晝夜

常安得壽百歲得見百秋何以故世間最上

能十

十七

無過於法天人所敬衆魔奉受離欲無著即

說呪曰

佉伽佉伽毗伽 緘壽 緘壽 多伽

婆伽 莎婆訶

何以故世間最上無過於僧良善福田賢聖

所敬衆善擁護即說呪曰

佉伽佉伽毗伽 緘壽 緘壽 多伽婆

伽帝 阿彌帝 阿周帝 莎婆訶

若有爲某甲作惡呪詛若和合毒藥若真若

偽所作非法若前身若今身行業衆惡一切

重罪悉皆滅之即說呪曰

摩休婆烏摩帝 烏摩陀徒陀禰 佉偃陀

婆提徒陀禰 頻頭摩提 質帝質多提婆

徒陀禰 阿鞞 旃阿鞞 莎婆訶

若有人能誦持是六字神呪王經假令呪枯

樹可得還生枝葉何況人身使某甲得壽百

歲得見百秋諸佛所說阿難所傳若人讀誦

通利悉皆自護衆惡遠身恒與善俱若呪他

者能除彼人衆苦惡患讀者斷五辛至心鮮

潔然後乃得行之諸難凶禍無有遺餘無不

吉利即說呪曰

呵呵遮唎 呵呵那彌 呵呵浮陀摩提

呵呵尼呵陀 尼劬沙 呵呵尼呵陀 佉

偃陀 尼毗沙 佉偃陀 伊禰彌禰 陀

弊 陀陀弊 莎婆訶

敬禮三寶敬禮聖智海遍照莊嚴王如來敬

禮一切如來應正等覺敬禮聖阿縛盧枳低

濕伐羅摩訶薩埵如是歸命已然後說是神

呪願此呪常吉敬禮聖阿縛盧枳低濕伐羅

觀照我身

此一句如
是三稱

憐愍我故即說呪曰

烏呵尼暮阿尼阿陀尼阿陀毗阿陀闍毗尼

耽毗尼安陀隸 鉢陀隸 死卑提 安陀

羅婆死尼 薩陸豆率吒 婆羅豆率吒

質擔闍婆夜 耽婆夜摩訶夜耶婆賀羅

提那賀遮提 盧樓質吒那陀死 盧樓盧

漏質吒鉢陀死 莎婆訶

此呪能護一切厄難鮮淨無垢解脫光明觀

照縛一切賊行惡者無復迷荒念善者濟度

衆難一切惡魔現世護我身師子狂象虎狼

豺犬猿猴及諸惡獸欲害人者悉令被縛我

今爲某甲及共行同伴一切呪力所向之處

行住坐卧願悉平吉即說呪曰

知醯唎 知唎 牧唎 摩蹬耆 旃陀唎

又羅叉羅羅耶 莎婆訶

敬禮三寶必願此呪令大吉善用此呪法當

用之日洗浴鮮潔淨除垢穢身心恬怕不得

行姪不食五辛飲酒噉肉舌不惡語當以白

縷手捉其縋誦呪七遍一遍一結作索成已

若有官事被言或逢鬪諍更相呪詛讒謗謀

枉及一切衆惡以此呪結著其人衣帶中如

上諸難悉皆滅之事過之後請佛法僧燒衆

名香設齋請福深修悲敬報佛慈恩主自解

結發大願云我與一切四生永絕八難所願

從心即說呪曰

醯豆摩帝耶舍婆帝 婆羅沙天婆帝 烏

受婆帝 鬱多羅尼 阿叉夜婆帝 阿菟

羶帝目企婆羅婆目帝 婆羅婆枳豆莎訶

敬禮過去未來現在一切常住三寶敬禮聖

智海遍照莊嚴王如來敬禮一切如來應正

等覺敬禮聖阿縛盧枳低濕伐羅消伏毒害

救苦大悲者敬禮曼殊室利菩薩三曼多跋

達羅菩薩慈氏菩薩棄陰蓋菩薩寂根菩薩

慧尚菩薩常不離世菩薩首楞嚴三昧虛空

藏寶幢孔雀王陀羅尼六字章句藥王藥上

堅意不汙行等菩薩摩訶薩各稱其號歸依

如是一切得道聖衆然後說此大陀羅尼神

呪即說呪曰

迦囉尼摩帝 毗輸多尼 伽帝婆羅毗

耶舍首羅婆隸 陀提菟提散陀婆提 舍

陀目佉 鬱多羅尼 舍陀婆羅毗舍毗羶

陀 迦唎奢 婆薩那 婆伽帝 鳩舍羅
婆娑尼 阿菟珊帝毗珊帝 知帝 阿知
帝 湯那伽帝 阿湯那伽帝 阿婆娑唎
阿舍婆羅禰 婆羅禰目隸 牟羅牟羅
婆陀隸 舍尼婆羅陸 須黎婆帝殊帝婆
羅陸 須毗摩隸菴摩隸 莎訶
此咒能除一切闇冥如來所持諸天敬受善
神護念梵天所解帝釋敬事護世所護決了
衆聖諸仙受持和合衆姓解脫繫縛一切諸
天及人斷諸煩惱降伏魔怨制諸外道摧諸
僞慢過諸法師談論諍訟無不獲勝善根增
長身心清淨不捨大衆悅諸學法守護經典
甚深法藏利益三寶愍念一切衆生之類莊
嚴衆義有如是等大利益事名無盡藏陀羅
尼章句非護能護若復有人能讀誦書持若

使人書乃至以香華供養經卷者得三十二
無疑畏難用此咒法者晨朝澡身漱口燒香
深心頂禮讀誦三遍如是作訖所行之處言
語談說四衆瞻仰所向至方未常不吉衆人
貴敬見者歡喜怨家降諾阿難陀汝等應當
一心奉持此陀羅尼章句說是法時一切天
龍八部鬼神聞佛所說皆大歡喜作禮而去
六字神呪王經

音釋

禰 切 呼 廣 切 女 力 切 於 武 寧 切 乃 頂 擣 切 呂 支 恍
惚 切 恍 惚 不 分 明 也 宕 洞 星 也 礎 柱 下 石
也 溷 胡 閏 切 佻 伍 丘 伽 切 也